

影印
文淵閣

四庫全書

影印

文淵閣四庫全書

第一三九四冊

北京出版集團公司
北京出版社

本冊目次

石倉歷代詩選(八)
四六法海

明 曹學佺編……………一
明 王志堅編……………二九三

欽定四庫全書

集部

石倉歷代詩選卷四百九十一至三

詳校官右中允臣薩敏
侍讀臣孫球覆勘

總校官進士臣朱 鈐
校對官編修臣秦 泉
謄錄監生臣李世麟

欽定四庫全書

石倉歷代詩選卷四百九十一

明 曹學佺 編

明詩次集一百二十五

沈周

登照明讀書臺因訪徐辰翁丹井

遠秀目已週後騁登高足青山不嫌人所取隨我欲巍

巍古仙臺寂寂莫林麓七檜交雲霞靈飈散清馥崇臺

欽定四庫全書

石倉歷代詩選
卷四百九十一

轉磴道攀緣把修竹同行玉堂彥高咏應虛谷逍遙東

山風能去歌管俗申紙驚連章謬圖附一軸聊以志傾

賞流傳亦何卜或恐聞邦人有酒悔無逐

題畫

山水正兼秀時秋快登臨篁筵何森邃迷誤若難尋豁

然重阿盡易厓超石林虛亭敞危構擇勝面遙岑地高

氣自爽神靜慮乃沉疎木汎清籟澄川開夕陰令我思

合江浩蕩舒素心渺渺萬里波目送雙飛禽

方道士還治城

僧順嘗有言惠不在天上但行即須到此氣何勇壯水
雲黃冠流詩酒發清曠十年落東海故國隔西望亦云
自不歸要去誰我障配順足有餘天地納豪放今日金
昌亭風緊秋葉蕩留亦無不從去亦無所悵吸我白玉
鐘仰面月相向酣歌一掉首雲鸞渺仙仗

古木寒藤圖

古木迸石出脫葉如無生羣篠自西風何以荅秋聲蒼

欽定四庫全書

石倉歷代詩選
卷四百九十一

藤載束縛恐因雷雨行我詩向而書誓與同老成

送歲詞

春米夜作糲送歲與俗共歲去還自來送者徒鄭重初
謂人送歲終反被歲送俛仰一歲間過眼幾悲痛

雨中看山寄楊君謙

看雨春山中晴日未可及鬱華與嶺秀濯濯翠流汁水
墨間卷畫屏風四圍立雜花逗餘紅雅與松枝濕低雲
滿窻戶似愛幽人入紛紛治遊子此景那足給山情無

愛憎佳處待人拾

憫禾

薄禾今茲計狼狽尚栖畝借問胡為爾先時已離咎五月
風雨大潢潦旱莫受田穉俯就沒濁浪扼其首排濯滴蕩
間性命存亦苟天日赫赫出水熱烹羣醜二日色已變三
日蠶在臼我時往撈觀覲活從中剖心存根已撥欲棄難
解手握土室滲膝倩車仰鄰佑督肩靡日夜救死豈容久
併力役老少足覲筋亦糾一一補傷爛行行十八九過時

欽定四庫全書

石倉歷代詩選
卷四百九十一

強經營安望如常茂七月尋遭風弱本被拘揉折處氣當沮
虛房但含糝間或見成穗禿指敗常何能畢公租亦莫穀
饑口對此發長咨細雨淡昏西枵腹不堪鼓併欲歌止酒

春草

春草不間生千里無絕歧客子畏遠行見草愁復滋草
莫為愁生却被愁相累如何踏青人晴芳媚珠翠

西山送塋

早行度西嶺野色莽四顧天氣亦蒼茫前歧欲迷誤狼

藉亂石間雪迹尚寒
汲危岑掛落月初日未出樹飛旒
引輶車迤迤從西驚
匍匐會葬人越邑多親故送死還
弔生相循等朝暮知生不可持頃暫聊為寓

畊樂

良家無外慕躬畊脩隱德
庚庚東西畝宜禾更宜麥迹
勞不自悔志靜乃云適
茨茆荆溪許清幽多水石西挹
銅官秀右匯太湖碧林春鳥雀鳴鄰並戒作息和風拂
田稗蕊蕊行復粒兒孫候歸來竹戶燈火夕引觴漫雷
欽定四庫全書
石倉歷代詩選
卷四百九十一
四
醉偃息就北壁所得還自賀不敢忘帝力

題畫

層岑交亂雲歷歷映羣樹
雲山互相依青白媚朝暮下
有土看者靜居氣鬱聚脩松蔭高宇細草被紆路幽深
與世違時復通杖屨鳴禽值客來語歇客還去天機發
所樂漠然非人故

思遠

露下芳草歇寒氣薄重幃幽處心獨驚行念君子衣君

子別既久嗣音亦已稀
愁來不成織空對流黃機揮淚
如泉水明燭無光輝

別岩天道院

琳館愜清賞樓居俯城陰
高竹間喬柯幽然自山林
我本草澤士不諧市俗心
能來豈為招忽去亦莫尋
翩翩拂雙袖孤雲渺秋岑

黃墳上草

黃黃墳上草青青復回春
草死有生日土中無起人人
欽定四庫全書
石倉歷代詩選
卷四百九十一
五
心期百年誰存百年身有酒且為樂我愛劉伯倫伯倫
亦已矣無酒澆其墳

門前有垂楊

門前有垂楊枝葉何靡靡
飄花乍及地忽復因風起
搖蕩少婦心天涯念遊子
愁多肌肉消不敢臨流水

湖上雜言

縱目極遐曠水嬉湖中央
青山載白波上下相低昂
俯首愛雲霞零亂隨蘭棹
悠悠遡空冥忽忽趨景光
宛宛

漢臯女落鴈懸微茫可望不可即相思如水長

百花洲效岑參

長濠春來水如油吳王昔日百花洲水流花謝三千秋
古人行樂令人愁沉沉細雨停孤舟岸上人家燈滿樓
紅簾火影照中流還聞吹簫樓上頭客夢不熟翻黃紬
翻黃紬夜悠悠拂吳鉤賦遠遊

題杜東原先生雨景

老原作畫墨法熟紙上沉沉發濃綠重林濕葉欲垂地

欽定四庫全書

石倉歷代詩選
卷四百九十一

六

合磧流淙似鳴玉廬山九疊翠不乾秋影平吞此長幅
借看寧防雨拂面要為時人洗雙目滕王珠簾正堪卷
董家破屋不可宿出門一笑青天高猶怪春泥汙吾足

西山有虎行

西山人家傍山住唱歌採茶上山去下山日落仍唱歌
路黑林深無別慮今年虎多令人憂遶山搏人茶不收
牆東小女膏血流村南老翁空髑髏官司射虎差弓手
自隱山家索雞酒明朝入城去報官虎畏相公今避走

題林和靖手帖用東坡韻

我愛翁書得瘦硬雲腴濯盡西湖綠西臺少肉是真評
數行清瑩含冰玉宛然風節溢其間此字此翁俱絕俗
開緘見字即見翁五百年來如轉燭水邊孤墳我曾拜
土冷烟荒骨難肉當時州吏歲勞問于今祀典誰登錄
我歌湖山翁不知春晚鳴鳩叫深竹歸來把酒弔雙緘
猶勝無錢對寒菊

慶雲菴月下觀杏花

欽定四庫全書

石倉歷代詩選
卷四百九十一

七

杏花初開紅滿城我眠僧房聞雨聲侵朝急起攬晴艷
對房兩株令眼明還宜夜坐了餘興靜免蜂蝶來紛爭
嫣然紅粉本富貴更借月露添妍清青蘋流水未足擬
金蓮影度雙娉婷庭空月悄花不語但覺風過微香生
老僧看慣不為意却愛小紙臘脂縈高齋四壁可長有
不由零落愁人情

落花詞

山花雨中開復向雨中落昨日芳菲今寂寞紅英紫亂

滿牆頭我惜餘香留小酌君不見眼前恩怨翻覆間併
為人情嘆輕薄

漁舟晚釣圖

新豐酒波堪濯足塵土紅汙酒波綠粗豪飲客下馬來
三觥五觥行促促何如並著春江船蒲葦紫立柳黃眠
船頭對坐盃漫傳賣魚儘可供酒錢夕陽射眼拉柁轉
江光貼天孤鳥遠

新燕

欽定四庫全書

石倉歷代詩選
卷四百九十一

八

今朝見新燕猶似去年見主人頭髮白轉多只有烏衣
不曾變年去年來來不差分明記得主人家柴門大開
風滿屋飛出飛入隨楊花君不見相國門前車馬塞一
朝去相車馬寂車馬寂草萋萋燕子還來梁上栖

屈叟

老人倚住鳳城邊黃金遶身方少年臨街高樓尺五天
落絮遊絲紫管絃冶郎俠客來翩翩樓中無日無華筵
權門迹熟不須刺貂璫與進人尤憐看花南市春酒釀

走馬酣歸遺寶鞭青春豈許黃金鑄鴨城歸老今沒錢
屋資無告故人散草中五畝愁荒烟面盧骨立牙齒脫
短褐曼胡管屨穿逢人欲歌豪或在聲吞苦淚秋風前
老人勿悲此世態富貴貧賤本相懸薄徒勉強狃勢物
聚散茫茫雲雲然但願老人有錢復年少此輩明朝還
拍肩

題畫卷

吳之為國水所涵有山平衍無巉巖我家多水少山處
欽定四庫全書

石倉歷代詩選
卷四百九十一

九

悵望翠微心所貪時能借墨補不足數紙連絡長畚粘
峯巒重復間溪澗雜樹列布多楓枌或開大壑浸山足
其樹半為浮雲含僧廬隱映遠水杪平圯道谷出水南
東村西落互親友畊田鑿井同丁男便須芒屨與藤杖
聽泉採藥我亦堪陽岡亭館誰擇勝雅許酒會并茶談
嘗聞巴蜀天下險未可一往尋鳬鷺子長之興浩不淺
感此老鬢霜鬢參聊因此圖畫所見卧遊日日已自甘

光福

羣山西奔駐湖尾通川夾山三十里川窮小濼開鏡光
居民次水屋比比屋上有山屋下水開門波光眼如洗
虎山橋畔晚市忙打鼓漁郎賣鮮鯉霜前橘柚萬苞黃
雨後楊梅千樹紫山園水抱開農桑樂土風光真畫裏
三年潢潦我無家恨不移書亦居此

史明古見訪

春來開門見新燕故人春來亦相見燕子不肯嫌貧家

破屋還勞故人曉燒燈屋下照白鬚高談雄辯如壯夫

欽定四庫全書

石倉歷代詩選
卷四百九十一

十

且言老境知己少感慨滿懷人事殊常當有酒開口笑
君來我往亦須要願從君言不敢違肯作伯勞東飛燕

流波館為史德徵賦

鶯湖南派分兩濼翠阜浸波雙朶落沙鷗渚鷺雪點鏡
楊柳芙蓉錦開幕水心有屋駕虛明柱挿玻璃高借脚
上留竹榻枕秋眠下許漁舟帶烟泊不須擇勝日移亭
何數倚晴偏快閣無地樓臺笑語涼倒天星斗魚龍躍
門前萬頃不入稅寸金寸土卑城郭紅闌我擬一臨流

但怯鬚眉老非昨

經尚湖望虞山

日午放船湖上頭虞山隨船走不休高峯仰見出翠壁
飛影下接滄波流青林人家隱山麓雞鳴犬吠聞中洲
鷓鴣羣栖竹葉暗蜻蜓特立荷花秋蓮歌漁唱尚豆荅
落影在樹猶堪遊小舟爭渡各先去獨逆風波渾不憂

芙蓉幃子

江天草木搖秋風老夫滿眼悲孤紅主人園林惜無地

欽定四庫全書

石倉歷代詩選
卷四百九十一

十一

夕陽野岸隨西東脉脉紅顏傷命薄露冷羅單倚高閣
隔水微醉不可通滿把瑤芳竟誰託顧影低頭思悄然
靜留明月伴嬋娟嬋娟有時亦消歇難保佳人長少年

虎丘東院送笋

我來虎丘笋未茁一住三日濕且熱夜來大雨忽浪浪
滿地棚兒思可掘東院老僧知我饒十輩橫筐露泥跋
玉廩流乳詫新鮮性命生從錄下絕佛徒心腸本慈愛
曲徇人情充老饕刷鍋爛煮和酒嚼一笑不知誰作孽

山林君子要養成還自老夫歌勿伐

江南春和倪雲林先生四首

燕口滋泥迸么笥東風力汰倡條靜烘窗曉日開眼光
湘皮披奩尋紙影落花悠悠碧泉冷餘香猶熱臘脂井
樓頭少婦泣羅巾浪子馬蹄飛軟塵

青筐攔街賤櫻笋城外冶遊城裏靜暖風夾路傳酒香
白日連歌踏花影醉歸掉臂紫袷冷喝采攤錢喧市井
家人苦費泣羅巾拔賣寶釵吹陌塵

欽定四庫全書

石倉歷代詩選
卷四百九十一

十三

蒲葦破碧共如笋妥烟楊柳金塘靜水邊樓上多麗人
半揭朱簾露花影禁烟閣雨東風冷喚玉澆桃汲銀井
不知飛鳥銜紅巾嘆息殘香栖路塵

脫巢乳燕拳高笋小隊尋芳破春靜墻東笑語不見人
花枝摩撿鞦韆影飛籌促觥玉兕冷殺釘簇奩珍井井
歸程趁馬拾醉巾洗面明朝紅滿塵

竹堂寺與李敬敷楊啟同觀梅

竹堂梅花一千樹晴雪堆屏無入處秋官黃門兩詩客

珂馬西來為花駐老翁攜酒亦偶同嚼蕊含香各搜句

吉祥牡丹清莫兼定惠海棠幽亦未只憑坡口詫繁華
似恐同花不同趣酒酣塗組作橫斜筆下珠光濕春露
只恐此紙捲春去明日重尋花在地

盒子會詞

南京舊院有色業俱優者或二十三十姓結為手
怕姊妹每上節以春繁巧具般核相賽名盒子會
凡得奇品為勝輸者罰酒酌勝者中有所私亦來

欽定四庫全書

石倉歷代詩選
卷四百九十一

十三

挾金助會厭厭夜飲彌月而止席間設燈張樂各
出其技能賦此以識京城樂事也

平樂燈宵闌如沸燈火烘春笑聲內盒匾來往鬪芳鄰
手帕綢繆通姊妹東家西家百絡盛裝般釘核春滿繁
豹胎間挾鯉水脆烏攬分剗柳玉生不論多同較奇有
品裏輸無例陪酒呈絲逞竹會心歡哀鈔裨金走情友
閑堂彌月自春風酒香人語百花中一般桃李三千戶
亦有愁人隔墻住

題小景

江山入吾興隨筆散清華峯影分斜日波容映落霞無
橋通市迹有樹隱人家此地如堪買分畦擬種瓜

溪上獨坐

觀生吾自得飽飯荷農功盤石箕雙足清流影一翁松
喬藤輔友楓老葉還童好在尋詩地無人杖屨同

題畫

山家自烟火杳杳離人羣岩樹落紅雨石窓生白雲朋

欽定四庫全書

石倉歷代詩選
卷四百九十一

十四

從因偶過世事得新聞逐逐班班牧幽踪不欲分

見別者

出門多路歧庖酒安足辭難捨舊親戚莫悲生別離指
行山水遠愁到歲年遲始是去家日復成千萬思

寄松江王公佩

鶴城王錄事不見廿經秋看竹仍青眼耽詩已白頭流
鶯對九藥野馬畏開樓近况逢人說空令感舊遊

瓶梅

銅瓶倚玉枝簪几獨看時折樹多可惜臨窻少不宜斷
根聊活計勺水小恩私省得溪橋外追尋老步遲

晚步

西林聊獨步樹樹已栖鴉童叟歸村校漁船聚酒家玉
痕雲映月紅縵水明霞此景偏留戀衰年類日斜

晚坐

春殘尚絮袍林屋氣蕭騷白日若不夜人生亦太勞泥
花方失勢雨笋漫爭高小酌仍觀物新醅慙老饕

欽定四庫全書

石倉歷代詩選
卷四百九十一

十五

寄錢允言

雖是經年別尋常見好詩湖南與湖北相望即相思楊
柳青霞館芙蓉碧玉池乾坤知佚老微咏間清卮

宜閒

黃塵不是海特地為人深浮世有窮日勞生無止心從
容一樽酒蕭散五絃琴會得其中趣悠悠萬慮沉

東老朱廷美號

東老老而貧惟於一影親布衾身後礎茅屋病中人白

髮偏相信黃金卻不仁閭門是居第富貴任比鄰

元日二首

物華初煥發鄙抱亦生春開歲始今日長鄉無幾人蟻
醅浮甕列難彩映門新笑進三分蓋聊娛八十親
賀旦怡隨俗筋衰拜莫便鬢毛關燕次歷紀曠生年地
氣通芳早晴光入戶妍小孫看滿抱不待衆人憐

清溪小隱

結廬城郭遠靜勝此溪邊鷗鷺分家住烟波入枕眠釣

欽定四庫全書

石倉歷代詩選
卷四百九十一

十六

魚償酒券掘藕補傭錢只隔斜陽岸經遊須倩船

病起試酌

山尊得酒且高歌百歲流光已半過病眼看書真處少
老懷追事謬時多髮隨落葉驚西睨門對清江惜逝波
今古英雄同一盡浮生不飲復如何

喜標弟開館

家庭人靜日遲遲簡束青衿漸有規小子方能識痴叔
抗顏真去作人師床頭把卷書魚走窓下開絃野鶴窺

訓詁有餘仍自學知君况是少年時

寄久客

封書斷絕身漂泊別日慈親鬢已華馬上何時少鄉使
門前滿眼是天涯客襟合有忘歸草閨燭應無報喜花
盡說杜鵑聲最切若教聞得定思家

懷西草堂

堂在漢西黃草茨吳鄉莫把蜀鄉疑地從杜甫名全借
圖為盧鴻我不辭衣桁夕陽迷翡翠竹坪春水下鷓鴣

欽定四庫全書

石倉歷代詩選
卷四百九十一

十七

百壺自醉蘇司業未解求人為酒資

病中夜雨起坐

藥盃香炷與溫存養病功夫要閉門布被擁寒書作枕
紙窓催曙水臨軒楓生赧色知霜辱蕉負爭心共雨喧
物性人情靜觀得得來還欲費吾言

六十一歲自壽

重逢丁未開新甲過六十年增一年壽是倘來那必得
人於末節要求全占鳩挾婦傷今日羨鶴添孫欠此緣

萬事莫論吾母健進將春酒北堂前

送都元敬赴史西村家塾

黃溪雪後爛生光童冠迎船青佩長客子能行秘書監
東家好是鄭公鄉春帷開讀禽魚動夜觀鳴絃水月蒼
賓主閒時還倡和吳江滿地錄新章

西川次吳匏菴韻

移家忽要離川東自信何須賣卜翁七水大都如屋下
一山剛半入城中沙鮮近市梓多蛤海氣通村井或虹

欽定四庫全書

石倉歷代詩選
卷四百九十一

有片閒心無所作畫圖詩律兩爭工

西川風物新家處一畝之居半畝苔慮怕市喧忙避去
便宜山近特移來芙蓉曲渚秋風動鴈驚長波夕照閒
我亦曾尋偏記得隔林高有古書臺

雪中偶題

靜坐關門意始欣老年真欲息勞筋潮通沙渚冰魚子
竹亞寒簷雪雀羣畏酒作痰如惡客逢人說夢亦奇聞
紙窗飯後何消遣呵筆時抄玉露文

與客夜坐

兩年方始一相逢偶集飛鴻雪後踪清話更添新繾綣
老身全比舊龍鍾弱雲弄月微分影細草闌春暗轉容
不復舉盃成兀對薰爐頻喚小奚供

理墳

官竹園頭春日斜手開新土漸成窪觀生如寄誰非客
信死為歸此是家白髮暫存知電露青山長卧有烟霞
慰勞自假閒詩酒且弄年華與物華

欽定四庫全書

石倉歷代詩選
卷四百九十一

橋東

老年踪跡寄橋東問訊何勞錦里翁剪取竹竿漁具足
撥開荷葉酒船通獨臨秋水杯搖月漫送清歌樹引風
常笑西鄰憂不足白頭心事竟誰同

雪中登虎丘

月色風光知幾到好奇今補雪中緣急排巖樹開高閣
生怕溪山合遠天城郭萬家羣五府塔簷千溜半空泉
香茶美酒相酬酢似此登臨亦可傳

覺老

脫膈生痰謝酒觴菜羹麥餌且家常山追舊眺今成嬾
事喜新聞肯已忘春水試竿魚檻淨午風丸藥鳥窻涼
祇須如此成消遣種種塵緣與老妨

水村圖

魚庄蟹舍一叢叢湖上成村似畫中互渚斷沙橋自貫
輕鷗遠水地俱空船迷楊柳人依綠燈隔蒹葭火映紅
全與吾家風致合草堂曾有此愚翁

欽定四庫全書

石倉歷代詩選
卷四百九十一

二十

咏簾

誰放春雲下曲瓊一重差隔萬重情珠光蕩日花如夢
瑣影通風笑有聲外面令人倍惆悵裏邊容眼自分明
知無緣分難輕入敢與楊花燕子爭

挽范老

雙目冥冥與氣沉有何牽掛子孫心解驂隨補無從淚
就布聊為不足余破屋秋風茅把盡孤墳落日水聲深
老奴封土辭歸後安得松楸老樹林

病中

抱病門戶悶常關况是湖田粒食艱情與歲流人覺老
事緣生累日無閒紙窻月影虛搖竹溪閣簾光遠見山
聊爾盤桓聊爾樂長吟兀兀自開顏

病起

筋力遲遲百懶成關門只好謝逢迎老空求舊無同輩
拙不宜時讓後生久坐衣裳知晚露獨眠衾枕厭秋更
祇餘曝背兼捫虱黃草蓆頭覺稱情

欽定四庫全書

石倉歷代詩選
卷四百九十一

二十一

題畫

嬾黃楊柳未藏鴉隔岸紅桃半著花開眼闌干接平楚
夾洲亭館踰長沙悠悠魚泳知人樂故故鷗飛照鬢華
如此風光真入畫自然吾亦愛吾家

屈老

長帽西風滿面塵相逢憐老不憐貧三盃濁酒浮生事
一曲悲歌萬感人螻蟻未知何處骨蜉蝣聊寄不訾身
白頭對落無聊賴還說鶯花少日春

和嘉本初夜泊楓橋韻

風流張繼憶當年一夜留題百世傳
橋帶人家斜傍寺月籠沙水淡生烟
火知漁子仍村外舟載詩僧是客邊
我愧不能同此宿却拈殘韻偶成篇

生朝自遣

門前客到鶴先鳴洒掃茅堂作送迎
座舉龍鍾先有我鄉尋齊輩漸無兄
明年七十誰能健今日三盃見在生
一幅布巾藤作杖倩誰林下畫閑行

欽定四庫全書

石倉歷代詩選
卷四百九十一

十一

新栽牡丹開遲有作

爛熳東林醉牡丹也持盃酒待花看
却疑為殿非爭伐亦料終開底作難
貴介莫遊客地僻美人初聘怯家寒
我無羯鼓相催發祇撚吟髭日凭闌

病中

白木匡床草薦柔坐深無寐獨搔頭
明河轉影天低樹清夜分更月過樓
病骨瘦餘光太露老懷虛甚夢禁秋
世情未了微軀了生已知浮死識休

和桑民懌七夕留題韻

銀漢剛風擘九旗痴牛騃女是佳期
靈禽隔水先為後蟠子緣繫已及時
清露襲衣秋沁沁疎星垂酒夜離離
若言拙者能求巧老我冥然却不知

閒居

顛毛脫盡野僧如世好都歸一嬾除
欲博晏眠高着枕圖便老眼大抄書
屋須矮小茅茨厚窻要清虛竹影疎
心與陶翁有相得時歌吾亦愛吾廬

欽定四庫全書

石倉歷代詩選
卷四百九十一

十一

答徐友送菊

爛漫移來露未乾見花應念種時難
還勞酒榼相兼送已免家人別借看
秋正寂寥偏刺眼老堪聊賴重憑闌
太平樂事還容我待到春時要牡丹

三宿虎丘松巢

舟行繫纜在溪磯入寺登登曲逕微
孤塔白雲平鳥背疎林黃葉映僧衣
臨池弔劍寒泉在捫石尋題古刻稀
便欲留詩補三過眼前燈影不成輝

陸翁贈簫枝

一筇蒼竹歲寒條十節中通亦當簫使我弄秋唇有賴
累君歸夜手無聊星含古竅聲猶滑霞清長莖色未消
老甚出遊今得力坐吹明月廣陵橋

西園為曹時修作

為園多半似遊嬉傍宅西邊事事宜條尾趣花溪宛轉
鶯聲隔葉樹參差地循五畝橫分吟路繞三叉曲作籬
滿面夕陽人已醉還歌飛蓋舊遊時

欽定四庫全書

石倉歷代詩選
卷四百九十一

十四

湖南草堂為慈谿張廷儀賦

清勝之居不可當詩書亦許帶農桑近家湖似君王賜
買屋肯非錄事將山有一屏華翡翠人無半唾辱滄浪
開門儘得臨流興何事蘭亭始可觴

與徐生談顧大理老懷

桑梓歸時異去時帶金銷盡酒家貧吁嗟富貴驚塵夢
收拾功名入鬢絲後事嘆無優孟托老懷悲有使君知
尋常門巷槐花雨點筆時題感興詩

楚江秋曉卷

天連湘漢水悠悠水色微茫接素秋殘月已沉三國恨
亂雲初散九疑愁南方流落身將老西候蕭條客倦遊
欲採蘋花恨無伴美人迢遞隔滄洲

秋夜

白屋衡門擁墮樵秋懷落落夜寥寥人間篋笥悲執扇
天上樓臺款玉簫竹實未生岐鳳老蕉書不展塞鴻遙
青春雖在潘郎鬢只恐愁多亦易凋

欽定四庫全書

石倉歷代詩選
卷四百九十一

十五

從軍行

馬上黃沙拂面行漢家何日不勞兵匈奴久自忘甥舅
僕射今誰托父兄雲外旌旗婆勒渡月中刁斗受降城
左賢早待長繩縛莫遣論功白髮生

送吳女歸徐氏

紅車綠轡及春明六禮周時汝好行銅鏡試粧花髻拙
布衣隨嫁竹箱輕繁絲緩柱房中樂細膾深盃堂上羹
婦道從今須孝順思家何必淚盈盈

贈少年

富有時名動兩都風情渾不帶豪麗平酬夜枕金條脫
寬約春袍玉轆轤走馬慣尋楊柳折下樓酣倩海棠扶
近來薛儂憑誰責可信馮生毀券無

戲友人尋訪不出

兩山不見雲遮眼一犬獨鳴花遶隣敢去揮毫題午字
漸將握髮望時人墻匡寂寂高槐雨門巷青青細草春
知子南還偏有興扁舟斜日弄芳蘋

欽定四庫全書

石倉歷代詩選
卷四百九十一

二十六

溪翁

參差榆柳逼門前不剪茅茨不斷椽歲晏雞豚鄰社鼓
秋深蝦蟆水鄉船會羞蓴菜量加糝嗔拗荷花誤結蓮
昨日逢渠溪漲後別無言語只憂田

葛惟善嘗托人求虎跑泉詩附贈潘谷墨銅雀

硯墨既不至硯亦云碎因謝此

慚愧高懷記項斯開緘空感十年私墨亡潘谷烟澌外
硯破銅臺瓦裂時馬德未忘千里惠虎泉終補一篇詩

何當握手吳門笑共付浮沉與不知

贈徐遵誨和劉邦彥韻

祖宗原有高勲少小英雄貌冠軍竹裏行厨青玉案
酒邊官妓茜紅裙洛陽紙貴三都出夔府沙平八陣分
頭白歸來惟感慨却慚多病負明君

病懷

衰遲宜靜不宜譁事莫堪懷動嘆嗟病遣稭書還藉眼
老便飴粥又妨牙栽花賃地春無主斫筍開門月過家
任是客來難強酒小陪清話一澆茶

欽定四庫全書

石倉歷代詩選
卷四百九十一

二十七

宿劉邦彥竹東別墅

乍認東庄路不真有橋通市却無鄰山窮借看堂中畫
花盡來尋竹主人爛漫箋麻發新興留連櫻笋送殘春
與君再見當經歲分付清觴緩緩巡

暮春登虎丘

獨信微吟人不知山花滿地悔來遲久搭綠樹陰中杖
仰辭丹崖缺處詩日有閒緣遊始勝老無健步出非宜